

## FANM

Fann, nonm an vant a fann sé la ou yé  
 Fannm ka ba-w tété, fannm ka ba-w bwè, manjé  
 Fannm ka lévé-w, rédé-w lévé  
 Fannm fò pas fannm sé fòs  
 Fannm dou, fannm sé lannou  
 Fannm fò pas fannm ka pran é ja las pran fè  
 Fannm fò pas fannm ja vwè twòp  
 Fannm fò owa nonm toujou lité yonn é lòt  
 Fannm fò goumné lité chanjé wòl  
 Fannm kenbé-w dwèt, fannm kenbé réd,  
 édikasyon pa mòl  
 Fannm fò, fannm poto mian sé sa ki bèl pawòl ?  
 Fannm fò on bèl pawòl fannm fò on bèl prètèks  
 Fannm fò ka sipòté ti fannm yo ka vann pou sèks  
 Fannm ka asèpté yo sé fimèl é nonm sé mal kòk  
 Fannm ka asimé lè nonm yo an kaka kòk  
 Yo di fannm fò pas dèyè gran nonm toujou ni  
 on fannm fò ka ba-y fòs  
 An té' é préféré i owa a-y !  
 Sa bel on fannm fò. Fout fannm fò !  
 Tansyon pas on fannm fò pé kaché féblès a  
 nonm  
 Nonm bizwen réyèl fannm, yo di yo ké trété nou  
 kon kwin  
 Nou ké trété-w kon king, si-w sé on Kingmann  
 si-w pa ka fè twòp filing

Fè filing adan sa fannm fò sé vré,  
 Fannm enné pale, fannm ka malpalé fannm ka  
 dépalé  
 Delè sa réd ba nonm tann fannm palé, di lavérité  
 Asimé rèsponsabilité sav lyanné matènité é  
 patènité  
 Sav nonm é fannm ansann-ansann  
 "complémentarité"  
 Si nonm an vé pa tiré pas an sav ni onlo fannm  
 ki paka asiré  
 Yo ka fè Fannm!  
 Fannm fò ou fannm, fannm fòs pou fè fannm  
 Fannm fò ou fannm, pou yo di-w fannm fò  
 Fannm fò ou fannm, delè fo-w sav fè nonm  
 Nonm fò ou nonm, delè pa pè fè fannm  
 Mennsi nonm péké jen fannm é fannm péké jen  
 nonm  
 Yo kriyé mwen féminis, an péké manti sé vré  
 an féminis an pa sèksis  
 An bizwen nonm jan nonm bizwen fannm  
 An pawòl an mwen pa ni plas pou sèks  
 É an ni chans an fèt on bèl tan anlè on papiyon  
 An ni chans an pé volé an ni chans an pa vwalé  
 Islamis sav fannm a yo ni mantal adan mantalité  
 a yo  
 Fannm a yo sé òwgan jénital kè yo ka kaché  
 Pou pani tantasyon sou prètèks a rèlijyon